

Mag. Komp.



589409

BIBLIOTHECA  
UNIV. JAGELL.  
CRACOVENSIS

Mag. St. Dr.

III







# RESPONSIO

VOCATIONI DIVINÆ  
ADÆQVATA,

in Comparitione pro termino

ILLUSTRI<sup>8</sup> olim CLARISSIMI, & AD-  
MODUM REVERENDI DOMINI,

M. GEORGI

ZUBRZYCKI,

in Alma Uuiversitate Cracoviēsi Philolophiæ DOCTO-  
RIS, in Inclyta Academia Posnaniensi Sacræ Theologiæ  
PROFESSORIS, Collegæ Minoris Vocati, Ecclesiæ Pa-  
rochialis in Łukowica PRÆPOSITI, Seminarii Aca-  
demico-Dioecesani PRÆFECTI,

dum

in Ecclesia Parochiali Sanctæ Margarethæ Virginis & Marty-  
ris in Szodkâ, ad Posnaniam sita, sub directione Congregatio-  
nis Oratorii Sancti PHILIPPI NERII existente,  
magno omnium dolore, iusta ei Funebria  
persolverentur;

à

M. ANDREA BADURSKI, in Alma Uuiversitate Cra-  
coviensi Philolophiæ Doctore, in Inclyta Academia Po-  
snaniensi Scholæ Grâmmatices Professore.


## DENUNTIATA.

*Annô salutis 1761. Die 17. Decembris.*



POSNANIÆ, Typis ACADEMICIS.





Rigidum jus est, & inevitabile mortis.

*Ovid: ad Liviam.*

Certo veniunt ordine Parcæ,  
Nulli jussu cessare licet,  
Nulli scriptum proferre diem,  
Recipit populos urna Citatos.


*Senec: Herc: furt. Actor: I.*

Omnibus hominibus obeunda mors est.

*Eurippides in Menallipe.*

589409. III

May 56. Dr XVII





PERILLUSTRIBUS CLARISSIMIS, & ADMODUM  
REVERENDIS DOMINIS,

**D. M. LUCAE LUBASZOWSKI,**  
in Alma Universitate Cracoviensi Philosophiæ DOCTO  
RI, Ecclesiæ Parochialis Czerleinenſis PRÆPOSITO,  
Coſtrinenſi DECANO.

**D. M. JOANNI CHRYSOSTOMO  
SEWERINOWICZ,**

in Alma Universitate Cracoviensi Sacræ Theologiæ DO  
CTORI, NOTARIO Apostolico, Ecclesiæ Collegiatæ  
Szamotuliensis DECANO, DABROVIANÆ Capellæ  
S. CRUCIS in Ecclesia Sancti JOANNIS Hierosolymi  
tani ad Poſnaniam ſitæ PRÆBENDARIO.

*Perilluſtri, & Admodum Reverendo Domino*

**PETRO MYSCZYNSKI,**  
Congregationis Oratorii Sancti PHILIPPI NERI, ac  
Ecclesiæ Parochialis Sanctæ MARGARETHÆ in  
Szodka PRÆPOSITO,

DOMINIS PATRONIS COLENDISSIMIS.



Arvam ex ſe hanc opellam, magnam tamen ex me  
ritis Illuſtris olim PRÆFECTI. Vobis ex aquo offe  
rendam duxi. PERILLUSTRES DOMINI. Illi  
us etenim ſicut ſapientiſſimus in hoc fuit progreſſus,  
quod Vos fideles ſui elegit Executores, ita meus e  
rat ſpiritus, alienos non quærendo Deos, Vos hujus  
opellæ ſortiri Mæcanates. Repeto quod dixi: ſapientiſſimus illius in  
hoc fuit progreſſus, quod Vos ſua voluntatis ultimos EXECUTO  
RES fecerit, ſciens enim perbellè Vos mûnificos eſſe Lubraſcianæ Pi  
nûs BENEFACTORES perſuafus fuerat, ad fideles Veſtrum manus  
fortunam ſuam poſt ſata fore committendam. Primum dictorum obje  
ctum eſt Perilluſtris Domine LUBASZOWSKI, Czerleinenſis Præ  
poſite, qui aliquot annis Cracoviæ ſedulus Phiſoſophiæ DOCTOR, &  
PROFESSOR, Poſnaniensem veniens ſub ſolem, quomodo meritis &  
laboribus illuſtraſti Maſoricam, teſtes hos apello, quibus lumen gloriæ  
ſpargebas ſcientificæ. Parùm Tibi fuerat laborare tantum placuit &  
mereri, hinc Poſſeſſor Scholam (cujus totò quadriennio laborioſa admi  
ſtr



star apis, operosus fuisti Professor, ) proprio sumptu reparasti, repa-  
ram, ut dignum Latonis Filii, & Heliconiarum Musarum fieret do-  
micilium, splendore gratiae adornasti. Et sicut operosam virtutem cur-  
su ordinario sequitur merces, ita Tu praemissis meritis Czerleinsensem,  
(in qua liberalitatem Tuam, non solum Praeposituralis Domus, verum  
etiam Ecclesiae manifestant parietes) promoveris ad Praeposituram, sic  
tamen promotus, oblitus illius communis alagii, quam procul ab o-  
culis, tam procul ibit amor, gratus semper Matri Filius, pro repa-  
randa post incendium Posnaniensi Academia singulari Tua munificentia  
largam admovisti manum, admoveere non desinis, & quod adhuc admo-  
turus sis, spem non vanam concipimus Academici. Non dispar & Tu  
praesentaris Perillustris Domine SEWERINOWICZ, Cujus benefi-  
cia Lubranscianae praestita Pinui scire qui desiderat, Oratorium Acade-  
micum ad meliorem Studentium commoditatem funditus ferme erectum, peri-  
llustratibus ornatum, subamq; intueatur Commune. Fatemur singuli  
Lubranscianam Pinum ex Tua irrigatione Majori Poloniae, maximum  
edidisse fructum, rivulis Oratoris (in quibus toto novennio doctarum  
mentium eruditus fueras Navarchus,) gemmas Polono inserias diade-  
mati emanasse plurimas, pro quo Tibi Rhetorica lumina triumphalem  
accedendo rogum, erigunt obeliscos. Eurippus Philosophicus, quam gra-  
to Tibi manabat alveo, quis non vidit, & quis non agnovit, dum Te  
toties solide augmentantem audivit. Plura loqui innata Tibi non ul-  
tro permittit modestia. Non dissimilis in profusione affectus manes Per-  
illustris Domine PRAEPOSITE MYSZCZYNSKI, nota est Tua no-  
bis semper propensio, Qui ut monstres melius, quod & post fata sic ad-  
dictus Professoribus, secundum jam in Tui Ecclesiae sepeliendum non  
dedignaris suscipere Praefectum. Nos affectum compensando affectu, of-  
ficiosam, ac debitam Tuae propensioni contestamur gratitudinem. Hac  
est Vestra laus, hoc Vestrum encomium PERILLUSTRES DOMINI,  
illud tamen non fucatum credite, quia Academico procedens ex corde.  
Ferebatur semper sincero hoc erga Vos corde Illustris olim PRAEFE-  
CTUS, Qui Vestrum in Academia affectum respiciens, eundem etiam  
post fata sibi praestandum non vanè sperans, partem fortuna suae Vobis  
reliquit disponendam. Et si ille Vestrae, se, suaeq; protectioni reddidit, cur  
non ego illius Elogiasta, sub umbram alarum, alias Gratiarum Vestrarum,  
cum hacce Opella accurrere debeam. Suscipite quaeso, benevolens animo en-  
comia mortui, Qui viventis oculati virtutum & perfectionum fueratis te-  
stes, ego benevolentiam Vestram grato acceptans corde, indesinenter pre-  
cabor, ut Vobis Augusta honorum majestas, ac constans (longeva praevia  
incolumitate) respondeat ad nutus fortuna. Ita precor

Perillustrum, Clarissimarum, & Admodum Reveren-  
darum Dominationum Vestrarum,

devotissimus servus, Author Operis,





# RESPONSIO

*Vocationi Divinae*  
**ADÆQVATA.**

*Vocationi respondere Divinae;  
legibus & Statutis ab alto latis parere,  
singuli quod debeant,  
extra Erothesim esto.*

*Judicium Domini positum omni Carni  
lege immutabili*

*quia*

*Legislatoris immutabilis  
nulla appellatione admissa  
uti in propositione notoria  
Statutum est hominibus semel mori.*

*Heu*

*quam terribile responsionis forum?*

*in quo*

*ad publicum edictum nulla exemptio*

*in quo*

**A**

**nec**



nec latæ sententiæ dēcretum  
*relaxationem,*  
nec ad instantiam Aëtrici Libitinæ  
*intimata citatio*  
*remissam patitur.*

*Pro*  
infaustum parti citatæ Processum!  
*quo introducto*  
supplex libellus non auditur,  
intercessionalis non admittitur.  
*tempore Cujus*  
nec in bonis, nec in fortuna,  
sed in persona debitū mortalitatis solvendū veni  
O legem mortis minimè Gratianam  
*quæ*  
*rata est,*  
*ne abrogetur,*  
*fixa,*  
*ne immutetur.*

Pro invidum vitæ Actoratum Libitinæ?  
pro acerbitem & inhumanitatem ejus!  
*quæ*  
*dum citat*  
*statim peremptoriè*  
*dum vocat*  
Theologos Philosophos, Mathemáticos,  
*vincit,*  
sicq; excandescit in doctos,  
ut Professores ex professo legem subire jubeat.  
*Ejusmo-*



*Ejusmodi Actus*

*Scena dolenda*

*hodie spectanda venit*

in comparitione pro termino

ILLUSTRIS olim CLARISSIMI & ADMODUM

REVERENDI Domini,

**M. GEORGII  
ZUBRZYCKI**

In Alma Universitate Cracoviensi Philosophiæ  
DOCTORIS, in Inclyta Academia Posnaniensi  
Sacræ Theologiæ PROFESSORIS, Collegæ Minō-  
ris Vocati, in Łukowica PRÆPOSITI, Seminarii  
Academico Diæcesani PRÆFECTI

Viri de Ecclesia DEI, & Republica Literaria Emeritissimi

*Qui sciens*

*quod*

*Verus amor Christi, vera est custodia legis,*

*ne naturæ immutaret ordinem*

*Vocatus paruit,*

*ne legem inverteret,*

*hanc adimplevit,*

*dum Vocationi respondit Divinæ.*

*Florens adhuc iuventa,*

*rectæ rationis & vocationis Eundem conformari instinctui*

*manifestavit Orbi.*

*Dotibus is naturæ, ac gloriæ correspondendo donis,  
ut eandem perfectioribûs dotaret qualitatibûs,  
innatam ad Studia capacitatē non inhumat,*

*dum*

*humaniora petit,*

A 2

utq̃



utq; in littore sistat votorum,  
*Literas aggreditur.*

*Puer hic*

prætextam humerò, Togam ferebat animò,  
magnus post futurus Stagyrta.

Quidquid ad bonos explicuit mores,  
venerandum gestu cernebatur senium,  
quidquid protulit,

hoc profuisse singulis videbatur.

In tenera ætate, mens adulta,

Cultui semper Divino vacans,

nihil magis satagebat agendum,

quam pietate occupari & scientiâ.

Extra Heliconem Podoliensē Rzeczoviensi admotus Minervæ,

non minora magnitudinis animi

(intra modestiæ limites)

dum præsentaret signa,

humanioribûs non immoratur ampliùs,

altiora contendit,

ut expoliatur melius,

& perfectionetur solidius,

*Nec alibi*

nisi in trino perfectionem omnium consistere sciens,

Primam Orbis Poloni Palæstram

Sedem Doctorum

Almam Universitatem Cracoviensem tertio petit locò,  
ut Triariò virtutibûs meritâ & laborib9 redderetur

Nullæ Musæ sic placuere Eidem, quàm Craciæ,

nullus pariter Musis placidior Georgiò factus.

Procul ab eo desidia

ipsum desiderium & amor discendi expolitâ occupârunt mentē

quæ meruit mox Doctoralibûs coronari laureis.

Jamq; sorte fortunæ Philosophiæ Doctor,

totus in meditatione mortis,

tan-



tantum eidem superaddens decoris,  
quantum hæc confert Laureatis,  
plus tamen ei debuit laurea Philosophica,  
quàm ille laureæ  
ticæ noctes, lumē ei conquirendæ Scientiæ erant,  
dies modestiæ umbra,  
advis tempus pietati & eruditioni sacratum.

*Et hinc venit*

od notabilis Ejus probitas, & probata Sapientia,  
poliendis in utroq; cessit in Magistram subjectis  
*dum*

inarii Academico Diæcesani Craco: Vice Præfeci declaratur

*Ecquid!*

*si non lucerna eminenter patens singulis;*  
æ formâ, morum norma, exemplar Sanctimonîæ  
solicitus in institutione,  
sedulus in cultûs Divini promotione,  
primus ipse in executione.

Cumq; major fertilium reddatur gloria arborû  
quod fructibus prosint, quàm quod emineant ramis,  
fructificentq; non sibi, sed usibus Orbis;

*hinc*

gnæ mentis non minor domi-nota eminentia  
ut publico innotescat Orbi,

*vota instant Majorum,*

*aliàs:*

ut melliflua oris ejus eloquentia  
(quæ toties saxea emolivit Corda)  
micis de Saxia grato Rhetoricorû fontium scaturiat murmure  
Paret votis, & vocationi suæ Professor,  
qui quidquid docto protulit ab ore,

*auditus est,*

B

acfi



ac si ipsa animorum loqueretur Regina,  
eloquii affabilitate, acuminosis conceptibus, verborum catenis  
vocalis resonantia,

ut per Orbem Literarium Classicum redderetur.

unicâ sparthâ suâ

Ecclesiæ ad Exedras Præcones, Orbi ad Cathedras sistendo Oratores

*Nec ultro dimittitur,*

qui cordibus adhæsit singulorum.

Cursus demum Philosophici Professor quanta egit,

*quisquis quærit;*

quæ sita facile adinveniet,

in triplici, æt publici, Conclusionū Thōisticarū propugnatione  
ubi ea, quæ docuit, dum propugnavit, propalavit.

Cumq; inter amenas literas, amantior reddatur conscientia,  
ne corde inclusa pietatis ebulliat scintilla

hanc studiō humilitatis cooperiens

sub Clausuram retrogreditur Seminarii.

Sed vocatur altius mens sublimis

Majoricæ exhibetur, Posnaniensi præficitur Seminario Præfector.

Respondet, cui semel spondit, Matri Filius,

propositam spartham suscipit,

susceptam laboribus & meritis ornat,

*sic ornatam*

publico visendam exponit Orbi.

Correspondet mox labori merces, virtuti honos,

*dum emeritus Professor,*

in Minoris Domus recipitur Collegam.

Sed o invidum Seminario fatum!

quod semina tantum meritorum ad honores pandit

& his congruere non permittit,

Vocatur facili singulorum assensu,

sed minime felici respondet ascensu.

*Sapientissimus hic,*

qui



*qui nec sophismate frangi  
nec dilemmate flecti poterat,  
lege mortis convincitur,*

*& qui multa docuit, modica petit.*  
Supremus Literatorum Rector, diem comparitionis præfigens,  
legi naturæ Eundem parere jubet,  
in Collegio Majori Cælesti sistendum declarando.  
Respondet vocationi Divinæ mens pietissima,

*& ut exasse pareat,*  
die non Juridica sine ulla replica sistit,  
ut comparitionis præcedat terminum

*Et quia*

non ibi Sol occasum ponit, unde sui ducit ortum,

*ita*

Illustrium Virorum alia ortus, aliena persæpè Occasus Patria,  
Phytagoram genuit Samos, texit Metamponus,  
Ciceronem Arpiui ortum, sinus Cafetanus vidit exanimem,  
Pliniū infantem lavit Athesis, grandævū extrinxit Vesperus,  
minor Polonia Georgiū dedit, operit Majoricæ terra.

Ingens Tui Cordolium est

*Perillustris, & Reverendissime Domine,*

D. M. A N T O N I  
B O J A R S K I,

in Alma Universitate Cracoviensi Sacræ Theologiæ  
DOCTOR, in Inclita Academia Polnaniensi J. U.  
PROFESSOR, COLLEGA Major, Ecclesiarum;  
Cathedralis Polnaniensis CANONICE, Parochialiū,  
in Zrzembice & Snieciska PRÆPOSITE, Consisto-  
rii Polnaniensis ASSESSOR, Ordinandorū & Appro-  
bandorū Synodalis EXAMINATOR, Librorum per



Diæcesim CENSOR, Inclytæ Academiæ Posnani-  
ensis RECTOR.

*quod hic*

qui Tuæ semper conformabatur voluntati,  
legi mortis parere coactus.

Vos in subsidium & solatium substituit  
Rectissimi ultimarum Tabellarū Executores,  
*Perillustres Clarissime & Admodum Reverende Domine*

**D. M. L U C A  
L U B A S Z O W S K I,**

In Alma Universitate Cracoviensi Philosophiæ DO-  
CTOR, Ecclesiæ Parochialis Czerleinensis PRÆ-  
POSITE, Costrinensis DECANE.

nota illi erat Tua in singulos benevolentia;  
qui toties Gratiarum Tuarum æstuabat favoribûs;  
hinc & post fata addictum sibi cor Tuum sperans,  
sortem boni sui Tibi reliquit disponendam.

Nec à Te Tabulas suas removit

*Perillustres Clarissime & Admodum Reverende Domine;*

**D. M. J O A N N E S  
C H R I S O S T O M E  
S E W E R I N O W I C Z,**

in Alma Universitate Cracoviensi Sacræ Theolo-  
giæ DOCTOR, Publice Sacrà Autoritate Apo-  
stolicâ NOTARIE, Ecclesiæ Collegiatæ Szamotuli-  
ensis DECANE, Dąbrowianæ Capellæ S. CRUCIS  
in Ecclesia Parochiali S. JOANNIS Baptistæ ad  
Posnaniam sitæ PRÆBENDARIE.

qui Unus in Omnium pectoribus vivens

Tuo singulariter inhærebat,  
de animi propensione, cordisq; Tui rectitudine benè certus,  
*quod*



quod & post mórtem, animò Eidem auxiliaberis indistinctò.  
Quæsit & Tuam Gratiám.

*Perillustis, & Admodum Reverende Domine,*

**D. P E T R E  
M Y S Z C Z Y N S K I,**

Congregationis Oratorii Sancti Philippi Neri, ac  
Ecclesiæ Parochialis S. Margarethæ in Szodka,

**P R Æ P O S I T E,**

ut quem viventem, amicissimè Tibi cohærentem tenebas,  
mortuum reciproco prosequereris affectu.

Toto ille tempore, Vestris animum aptabat affectibus,  
sicq; laudanda egit, ac si nihil egisset,

ex quo suæ famæ, pennas addidit, lingvas ademit.

Nihil in Codice legit, nisi ea quæ fecerat,  
facta enim ejus nisi leges fuerunt.

Naturæ donis cumulatus omnibus,  
ita se in illis gessit,

ut Authori Naturæ, quod à Natura acceperat, restitueret,  
utq; sic congruè Vocationi responderet Divinæ.

Inter pia suspiria expiravit,

Cui ut æternum Judicis favor Dei adspiret,

Vos pro Eo  
ad DEUM suspirate.





Handwritten text at the top of the page, likely a title or header, appearing to be in a historical script.

Handwritten text in the upper middle section, possibly a list or a series of entries.

Handwritten text in the middle section, continuing the list or entries.

Handwritten text in the lower middle section, possibly a concluding paragraph or a signature.

Handwritten text in the lower section, possibly a date or a reference.

Handwritten text in the lower section, possibly a date or a reference.

Handwritten text in the lower section, possibly a date or a reference.

Handwritten text in the lower section, possibly a date or a reference.

Handwritten text in the lower section, possibly a date or a reference.

Handwritten text in the lower section, possibly a date or a reference.

Handwritten text in the lower section, possibly a date or a reference.

Handwritten text in the lower section, possibly a date or a reference.


Handwritten text in the lower section, possibly a date or a reference.

Handwritten text in the lower section, possibly a date or a reference.

Handwritten text in the lower section, possibly a date or a reference.



Biblioteka Jagiellońska



stdr0023088



